



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33-2589-7/21

Datum: 12.01.2022. godine

SVIM ZDRAVSTVENIM USTANOVAMA

- HITNO -

U KANTONU SARAJEVO

n/r direktor/ca ustanove

Slanje putem faxes, e-maila, web portal Ministarstva

Predmet: Obavijest - Dostavlja se

Poštovani,

Krizni štab Ministarstva zdravstva Kantona Sarajevo na svojoj posljednjoj sjednici donio je odluku da se nabavi dovoljan broj antigenskih testova (Ag-RDT), koji će se u narednom periodu koristiti kao dijagnostički dokaz o pozitivnosti ili negativnosti na SARSCOV2.

Ovi testovi će biti dostavljeni Zavodu za javno zdravstvo Kantona Sarajevo koji je dužan da izvrši distribuciju prema svim javnim i privatnim zdravstvenim ustanovama (koje imaju ugovor sa ZZO KS) primarnog, sekundarnog i tercijarnog nivoa, koji dolaze u kontakt sa pacijentima.

Sve ove ustanove dužne su da vrše antigen testiranje.

Pacijentu koji je testiran, na već postojećim, ali i novim punktovima za testiranje, izdavat će se printani nalaz.

Moći će se testirati i oni koji nisu osiguranici Zavoda zdravstvenog osiguranja Kantona Sarajevo, ali borave na području ovog kantona.

Sumnjive i vjerovatne slučajeve COVID-19 oboljenja treba ispitati na prisustvo virusa SARS-CoV-2 laboratorijskim testiranjem.

Klinički kriteriji za testiranje su:



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



1. Akutna pojava groznice i kašlja kao i

2. Akutna pojava bilo koja tri ili više slijedećih znakova ili simptoma: groznica, kašalj, opća slabost/zamor, glavobolja, mialgija, bol u grlu, koriza (hunjavica/curenje nosa/zapušenost nosa), dispneja, anoreksija/mučnina/povraćanje, dijareja, izmjenjeno psihičko stanje. Testiranje antigen testovima se treba provoditi prema uputama proizvođača i unutar 5-7 dana nakon pojave simptoma. Klinički kriteriji za testiranje unosit će se u sistem.

Oni koji u zdravstvenim ustanovama indiciraju testiranje koje je u suprotnosti sa ovim uputama, snosit će troškove tog testiranja.

Za kontrolu naprijed navedenog, zaduženi su menadžmenti i Krizni štabovi zdravstvenih ustanova ustanova.

Krizni štab Ministarstva zdravstva Kantona Sarajevo upozorava kontrolore u Zavodu zdravstvenog osiguranja KS, menadžmente i Krizne štabove ustanova da kontrolišu izdatu naredbu ovog štaba o zloupotrebama antibiotske terapije. Uočeno je povećanje izdavanja ove terapije bez indikacija (klinički znakovi, bakterijske infekcije), a naročito kod pacijenata kojima je uredan RTG nalaz pluća. Loša je medicinska praksa i nepotrebno izlaganje pacijenata bez kliničkih indikacija radiološkom snimanju pluća. Ovo posebno naglašavamo kada se radi o mladim i fertilnim osobama.

Osim toga, uvećan je i broj laboratorijskih analiza kao što su d-dimer (laboratorijsko-dijagnostičkog parametar o prisustvu tromboembolijskih poremećaja), za koje također ne postoje kliničke indikacije.

Ne postoje preporuke u medicinskoj praksi za uključivanje antikoagulantne terapije bez strogih indikacija. Korištenje ovakve terapije na ovaj način može da proizvede veliki broj neželjenih posljedica.

U skladu sa svojim zakonskim ovlastima, Ministarstvo zdravstva Kantona Sarajevo formirat će komisiju stručnjaka svih oblasti (koje su usko vezane za pitanje liječenja SARS-CoV-2) i izvršiti reviziju i kontrolu svih izdatih lijekova i sprovedenih dijagnostičkih procedura u kompletnom javnom i privatnom zdravstvenom sektoru Kantona Sarajevo.

Za sve uočene nepravilnosti, navedena komisija će dostaviti izvještaj ovom Ministarstvu, a ono će, u skladu sa svojim ovlaštenjima, poduzeti adekvatne sankcije.


Svaki izdati nalaz bez broja protokola, datuma, potpisa i pečata ljekara u privatnim zdravstvenim ustanovama, smatrat će se falsifikatom, a propisana terapija na ovakvom nalazu neće se moći izdati u apotekama.

Za kontrolu izdavanja ovakvih nalaza zadužuje se Zavod zdravstvenog osiguranja Kantona Sarajevo.

S poštovanjem,



MINISTAR
Prof. dr Haris Vranić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

